

劉槎翁先生詩選卷之八

七言律詩

出須陽峽二首

出峽入峽皆天風朝雲還似楚王宮
群猿呼嘯青林上八槩歌搖白浪中
望海瘴烟愁更入問程蠻語苦難通
向來道路饒荆棘此去車書慶混同

兩峽東西互犬牙一灣寒水淨無沙
野鹿畏人騰絕磴山猿飲水憇高槎
老藤翠抱三春葉陰洞紅迷十月花
黃綠青壁愁無路獨倚蓬窓咏日斜

越王金

廣州城北越王金猶想旌旗此地來井屋帆檣連莽
蒼荆榛烟雨上崔嵬東南海水一盃瀉西北雲山萬
馬開不盡登臨當日興空遺歌舞後人哀

三衢徐節婦詩

甓隕瓶沉恨有餘矢心白首事嫠居已看賜錦分雲
漢復道旌門照里閭日暖萱花承雜珮春陰慈竹護
輕輿况聞祿養榮瀧水光寵行沾紫誥書

廣州水驛除夕

新年忽報明朝是舊俗猶傳此夕同千里夢驚江駟
雨五更愁怯海潮風椒花盤映柳杯綠蕉葉窓含蠟

炬紅不是思歸渾不寐早朝還憶大明宮

正月二十二日赴容州道中

一十日春饒霽景數千里路信郵亭野花有恨何勞
白山木無名只解青殘月哀猿啼嫋七暮烟孤鷓去
冥七南京三月歸期早應及聞鶯侍紫庭

將至高州憶僉憲潘士謙時分按雷瓊

東上遙峰曙色催日光林影共徘徊藤花亂落溪風
起木葉驟鳴山雨來澗道水深行處轉石門雲氣望
中開潘仙何許燒丹去擬共吹笙拂紫苔

二月二十九日三更渡海之瓊府

南望瓊山一點平三更津吏報舟行沙頭潮汐常依
候水面風濤敢計程簫鼓雄沉魚起舞帆檣高下火
爭明乍眠欲坐還歌側卧聽黎歌踏樂聲

瓊山即事

沙港風船雪色如土屋人家星散居負瓶入村挈淡
水操網下海求鮮魚焚艫風起波浪黑黎母日高烟
霧舒佛桑花下且勾酒椰子林中宜讀書

三月十四日渡海將北歸

天水空濛曙色浮聞鷄衝雨下焚艫潮頭舟楫同千
里海上山川自一州土釜飯香分葉裹瓦瓶酒熟倩

藤勾可能欲別仍回首蘓李遺風尚可求

述懷寄蕭翀

平生剩有閒居興誰信中年不自由荷橐日邊方北
覲乘槎海上復南遊詩書久益丹心苦風雨俄驚兩
鬢秋踈拙自慚無補報要知只合老林丘
南澗西岩在眼中可堪蹤跡墮塵紅午門待漏驚寒
月丙舍看書憶晚風誰引小車尋故友獨騎瘦馬伴
羸童他年投老珠林曲賴汝過從慰此翁

題錢叔昂畫杏林圖寄江陰林元英

林君聲價重三吳家有奇書祖跼區夜月雲窓聞搗

藥秋風仙市識懸壺有時自唱採芝曲到處人傳種
杏圖東望海門波浪白若為服食致靈蒲

鑑湖清隱為趙圭玉賦

先生舊隱鑑湖邊柳屋荷汀引釣船聽雨有時燒竹
坐看雲長是挾書眠松花春釀開山甕菱米秋收當
水田此日嚴趨金馬召他年應遣畫圖傳

送劉寬仁以徵士赴京告老還鄉

都門相送擁雕鞍欲說家書慘不歡上苑春歸還獨
別故園花發與誰看金河水綠水先暖玉署天高雪
共寒若見故交憑寄語旅遊今已負漁竿

寄水南劉叔和羅惠卿併古城竺西上人

故園一別向秋風無數離愁逐斷鴻鏡裏髮從今日
白尊前花憶去年紅鹿門杳々遺龐德廬阜蒼々閱
遠公相憶何由謝塵鞅暮雲愁絕大江東

十二月十六日早朝雪霽月色澄朗喜賦

皓月窺雲界玉攔迴風吹雪上金鋪旌旗掩冉中天
曙樓觀高寒北斗孤綵鳳絳紗團座扇銅龍清漏咽
宮壺舉頭最愛鐘山色百萬瓊林繞帝都

十九日早朝大雪

千門風雪動蕭森雙闕嗟峨倚太陰衛士暗驚旌節

重侍臣先覺殿堦深幻成雨粟輸中野散作飛花滿
上林此日宵衣正勤厲不須黃竹起哀吟

晚朝左掖大雪

晚朝左掖下鷺坡急雪揚風滿御河紗帽紋深吹更
有錦衣光炫拂還多飛入禁垣迷粉蝶集來宮樹徧
瓊柯兵曹退食慚無補聊逐群公散珮珂

題青溪釣隱

長干東上是青溪雲引長橋水拍堤楊柳畫樓秋雨
暗荷花深蕩晚烟迷酒船漫想時相過釣具何因日
共携回首天門泰正麗鳳凰飛下五雲西

正月二十日雪早朝

天上春光幾日歸早寒猶自怯朝衣風從閭闔門前
起雪向果兒網裡飛瑤塔峰連青欲近金河水漲綠
初肥橋東無數垂楊樹會聽鶯聲繞禁闈

題贈樸閣醫士

樸閣道人神宇清手携綠玉上南京市中壺公自不
老海上安期知有名當欄種藥花露濕篝火斲苓松
雨晴鄱陽山水亦故里何日放船歌濯纓

題吳友雲所畫蒼山雲松圖

吳君文采瑩銛鋒碧嶂新圖紫翠峰玉峽天清懸瀑

布金臺秋淨立芙蓉寒光遠注千林雪秀色深蟠萬
壑松更愛酒酣揮妙句行間字上走蛟龍

題吳友雲所畫鍾山春曉圖次鍾字韻

丹壁青林深幾重高連霞彩遠連松半岩泉勢遙
練六代山名尚紀鍾野樹拂雲栖鶴鶴石藤纏霧
虬龍何因指點尋真路為借仙人九節筇

寄孫如心

長懷嶺外南歸日曾向晴灘艤客舟驛舍正當沙浦
口草堂更在石橋頭籠鵝未報將軍帖騎馬真成
簡遊此日感君多意氣看雲長是獨登樓

夜宿龍窩

草汀蘆蕩冷蕭上夜泊龍窩向寂寥隔浦船歸人語
近中流風度月光搖自怜車馬勞行役豈有消埃峇
聖朝西望女山青一點神京佳氣正岌峩

寄王徵君子與并懷乃弟子啓廣西僉事

飛霞庭上持盃處南浦舟邊送別時春日獨懷楊柳
曲秋風兩見菊花枝金門待漏聯班早畫省從公退
食遲千里報書驚晏歲嶺南桂樹最相思

題蜀山草堂為上人賦

上人草堂風物清祗言陽羨是青城誰知習隱孤峰

下猶有懷鄉萬里情坐石翻經延月上臨流曳杖看
雲生幾時却汎吳江棹來聽松門澗瀑聲

題山水畫為趙可久賦別

江流浩瀚接滄溟野色依微帶草亭霜入楓林開錦
綉水生蘭渚漾空清菰蒲日照鷓鴣影楊柳風翻翡翠翎無限臨圖懷別恨可堪邊鴈月中聽

題李銘古木竹石圖

李銘作畫性所耽筆意遠與黃岩叅山雲不動光滄
澗溪雨吹滴寒稜上荆楊自古貢篠簜匠石何處求
梗楠風沙滿目忽見此春亭昨夜思江南

寄萊州太守趙圭玉往在兵部與君實同事余
後乘檝出海上乃相失于交臂之頃今年秋余
亦調官北平望萊州復隔千里追憶舊好詩以
訊之

三月乘槎海上歸君來我去偶相違海神廟下波濤
壯萊子城邊草木稀作郡新聲隨日起趨朝舊夢逐
雲飛誰知華髮燕臺客歲晏愁吟雪滿扉
憶在兵曹三四年君留東署我西偏檢書清夜燃官
燭沽酒常時數俸錢借馬獨行緣送客聞雞相喚去
朝天論交亦有胡兼許此日天涯各惘然

早春燕城懷古

金水河枯禁苑荒東風吹雨入宮牆樹頭槐子乾未
落沙際草芽青已黃北口晚陰猶有雪薊門春早漸
無霜城樓隱映山如戟笳鼓蕭蕭送夕陽
宮樓粉暗女垣歆禁苑塵飛輦路移花外斷橋支顛
顛草間壞壁綴思魚酒坊當戶懸荷葉兵壘緣渠插
柳枝不見當年歌舞地空餘松柏鎖荒祠
高城層觀俯深濠土屋人家結構牢旃裘已變胡虜
俗弓馬不數幽并豪河交凍凌作平地風捲沙堤如
涌濤猶有寒威錮松柏那無春色到蓬蒿

秋月春花不可論關河形勝古來存燕歸邃閣銅鸞
墜人散高門石獸蹲牛引柴車穿柳巷馬嘶霜草出
花園由來在德非關險不獨阿房可斷魂
不見當年百萬家蕭條井邑暗風沙苑牆雨壞空攔
馬宮樹烟昏自集鴉部族向來誇猛鷲野人無復記
繁華誰知儉德今王盛更化同風極四涯
海內蒼生困亂離宮中舞女闔腰肢金渠水暖龍船
出彩檻花香翠輦移松樹盤空皆偃蓋柳條拂地更
垂絲迷樓不獨江都恨烏窠龍沙更可悲

早春

早春延望怯風沙清晝行吟見物華退食廣庭無一
吏護巢高樹有群鴉晴光在苒榆開英紅意相將杏
作花何許歸鴻方北向可憐遠客正思家

叔明徐僉憲示其先君仁可解官感懷之作因
追和以致意叔明前為監察御史云

先生拂袖東嘉日時事蕭條入咏朝千里烟塵起
陸五更風雨鵲驚巢山中碧草迷新塚澗底寒松識
故交已見豸冠承令澤吉占何待索瓊茅

承康丈履謙寄贈畫水一幅賦此奉答

舊圖誰為寫滄浪緘束煩君遠寄將入座波濤猶洶

湧照人玉雪自清涼一泓浸月兼秋淨萬里經天到
海長已掛西軒雙栢下曲肱高咏興難忘

寄北山上人南岳冰雪菴

南岳峰前舊寶坊北山新築小禪房泉分一鉢清冰
供日照千岩白玉光天女散花衣乍濕野人煨芋火
猶香憑誰問訊山中景為報松枝偃數行

聞伯兄中翁有水竹居之樂賦此奉寄

問訊村南水竹居別來風物定何如金絲挺斨當秋
密玉版抽萌過夏踈徑底雨苔沾短屐林間風葉亂
殘書白頭相見知何日萬里看雲獨愴予

過高麗廢寺感賦二首

昔年胡梵禮朝坊此日弓刀鍊作場
金震碓聲騰寶地爐噓赤焰照陰房
野池古水空秋雨庭樹昏鴉自夕陽
經箴已摧僧久散鄰兒猶學禮梁皇
殿栴掩紺瓦飄青鐘磬猶疑空外聽
丈室每留蕃衲住窮碑多勒漢臣銘
火筒已鑄幡竿鐵甲片新栽梵葉經
何物不關興廢事西山依舊屹帷屏

東園杏花盛開三首

二月東園杏作花人言公館似仙家
繁英滿樹堆輕雪細蕊攢枝引絳霞
喜有垣牆深院落幸無車馬混

塵沙欲携尊酒來相看忽憶同遊感髣華

穠杏數株相映開荒園長日少人來
公府客愁時暫醒邊城春色晚相催
崢嶸自出青雲上璀璨深怜白雪堆
柰可東風儘吹送莫教容易委蒼苔

往歲花開上帝京今年花發在燕城
花邊暫去還相憶樹下閑來每獨行
對酒情懷傷老大禁烟時節近清明
故園佳植應難得何日移根慰遠征

出麗正門

雙塔南城莽蒼中斷垣荒草路西東
萬條柳暗鵝毛雨千丈塵高羊角風
鐵鍵重門車碌碌金鈴草帶馬

瓏上邊烽不動居人少散漫牛羊落日紅

夜坐

拒馬初收掩外庭毡簾不動壓踈櫺爐邊香燼化輕
雪釜底寒煤撒乱星歲晚懷人嗟浩渺夜寒頽影惜
零丁何由作得還家夢風葉烏啼不可聽

三月二十日憶子彥弟

四弟南歸已判年夢回猶憶在床前夜寒鼠齧姜肱
被春盡魚生太乙編防別可能甘抱璞遺安應解力
耘田最憐寂寞西竺晚沽酒無人數俸錢

北竺晚涼即事

高閣微風不動簾晚雲時送雨纖上烏求墜子窺深
草燕接飛蟲拂近簷碧盃行茶冰共進青盤盛菓酒
頻添祗慚素食承優渥已分清心破酷炎

庭下

庭下無塵淨綠莎朱簾踈蕩晚陰過雨鳴楊葉聽逾
近風落槐花掃更多古鼎香分雲窈窕碧盤冰進玉
嵯峨邊城秋早文書靜喜報兵屯足黍禾

書事

秋入層臺引興微溶上霽景動清輝烟銷碧樹黃鸝
度日上丹甍紫鴿飛地遠極知王事簡晝間更喜吏

人稀祇憐關塞寒威早九月飛霜上綉衣

秋日過宛平縣學坐射亭觀梅子荷花

舊日曾聞都水監明時已屬泮宮祠水通窰地生荷
葉門倚迴堤出柳枝橋外行人看習射座隅童子解
歌詩晚涼雲錦偏留客不記歸來馬上遲

有懷王太守子啓時為崇慶府往時子啓自廣

西赴京與予相見未幾予赴官北平嘗約叙別
以病阻未至

二月金陵相見時小東門外柳絲七登樓尚想題詩
處對酒空懷送別期官市馬嘶紅日上宮門鶯轉綠

陰移遙憐風雨龍江路一棹烟波獨去遲

二十年来南浦客八千里外錦城仙水邊送別秋風
蚤馬上懷人夜月圓載酒渡江怜往日聽猿出峽定
何年只今飄泊桑乾曲西望酣歌一惘然

龍灣橋上秋初月珠浦亭前日暮雲把酒曾從終夕
醉寄書定約幾時聞烏臺節帶冰霜操蚤國詩成錦
繡紋謾憶青春曾作伴誰憐白髮更離群

曠子南園清夜遊憶曾放棹過中洲花間吹笛啼青
鳳竹底燒燈走翠虬一月醉來渾不醒十年老去謾
多憂庭前想見青七樹依舊梅花滿上頭

八月二十五日夜偶閱地圖至西昌重慶州因

憶子啓王太守感賦

最憶當筵氣似虹錦袍玉立倚東風坐中百韻連章
送歌底千鍾一咲空燕塞寒驚霜草白蜀江秋隱露
花紅何時歸問龍灣曲共作魚竿老釣翁

不寐有懷故里南澗舊遊

東槐西楊烏亂鳴初昏嘈雜到深更羈懷自是愁無
着清夢何曾睡得成戍壘月高千杵急紙窓風定一
燈明却思武姥峰前夜卧聽蕭郎夏笛聲

北平一冬無雪風沙特甚雖土曠人稀而車運

不絕良可嘆也

邊城日莫苦風沙共說殘年氣候差水煖已聞冰解
凍地枯不見雪飛花去牛來馬餘千里吠犬鳴雞有
幾家東望春回應不遠可能膏澤遍荒遐

海子橋午憇

海子橋西是泮宮尋幽偶此憇青駝一春實少催花
雨二月偏多擺柳風瓊島晴薰烟淑合金河凍釋水
雲空沙邊小艇無人繫愁絕滄浪舊釣翁

送徐僉憲子姪得全暫還三衢

趨庭早識仲容賢即別令人重黯然歸路偶逢殘暑

後到家應及未霜前寒沙蓬藿迷征騎秋浦芙蓉壓
去船來往燕吳真萬里重來為我說華川

夜宿南城彰義門遞舖承曾元鼎携酒叙別
城南下馬已斜陽投宿郵亭古道傍野淀有霜風正
急土床無火夜偏長旅程此夕違公館歸夢何時達
故鄉不盡故人携別意雞鳴又報趣晨裝

早出獻州南門望 京都有懷

星漢微茫欲曙天郊原寂歷帶平川斷槎初擁沙河
凌枯樹猶含野燒烟健犢慣行馴應鐸蹇驢初試怯
橫鞭登高南望 神京遠彷彿紅雲是日邊

夜宿

下馬郵亭已夕陽倦行偏訝去程長雪侵官道埋僵
柳火入荒園燒宿桑棗子酒香愁易醉豆兒飯滑悵
初嘗藜床葦席風如水清夢何因達故鄉

寄東阜城張知縣宗遠

阜城小縣荒且幽居人稀少棘林稠縣公時向草間
坐野雉日來庭下遊棋子夏收供飯裹棗湯寒煮當
茶甌憐君宦况清如水安得哦詩盡日留

將至東阿喜望隔河穀城諸山

一望川原蒼莽間天低風定凍雲閒河經南堰還歸

海路出東阿始見山野雪漸消沙隱隱燒烟初散草
班七遙憐黃石遺祠在千古高名不可攀

至東阿已遷穀城舊縣水潦之餘民物蕭條可

感

日落高原起暮塵風回殘燒入荒榛榆林古道餘雙
堠草屋人家少四鄰野棗有秋惟釀酒園桑無主半
為薪遙怜頻歲罹河患往事空餘舊俗淳

詠河中流澌

臘月流澌過大河湏臾平湧白嗟峨水宮戰合鳴金
鐵洞府朝回散珮珂貝蛤吐珠騰夜月蛟鼉委甲送

春波化機流轉知無極喜報青陽轉太和

舟次耿山夜宿

茫茫平陸帶長河浩氣長風起素波水氣挾霜寒更
早雪光乘月夜偏多行人利涉懷舟楫漁子求鮮急
網羅南望鍾山天咫尺五雲城闕正嵯峨

夏月遊殊山寺登圓通閣和子彥弟韻

翠堵崑峩寶閣開碧蓮平湧紫金臺散花天女雲間
下飛錫真僧海上来霧捲長塘天一鏡雨浮西嶂翠
千堆白頭幸遂閒居樂猶擬栖禪日往回

夏月遊橫岡憇于磐古石壇賦東袁從善康子

建

磐古壇前萬木陰松花滿地晝沉
石床苔鮮侵書潤古屋藤蘿隱
幔深出洞看雲思解珮臨流待月聽
鳴琴紅塵十里慚來往亦擬移家近竹林

訪易復初雍塘新居

幽人卜築向林丘新闢園池引澗流
屋頭栽竹連兩疇門外種苗方十疇
雲深犬吠風葉落日晏雞鳴烟火收
架上有書尊有酒不辭終歲此淹留

題醫士劉允文松老詩

富川老人年六十采藥雲中曾見之
竹房早著桐君

傳杏苑新傳松老詩錦水寒花照心膽
湘山秀色映鬚眉茯苓會化赤琥珀更後
千年當遠期

和陳敬則寄贈三首

十年京國聽朝雞南北驅馳信馬蹄
夢入風沙驚地遠恩承雨露覺天低
山城載酒憐新賞江駟迴舟憶舊題
歸問故園今老大衡門如水暗蒿藜

還家初製女蘿衣入里偏傷故舊稀
野鶴下迎行藥迳沙鷗飛讓釣魚磯
烟塵十載青山在江海何人白髮歸
昨夜珠林匕下坐依然月色滿荆扉

憐君壯歲好容顏肥遯高情不可班
放棹有時歌綠

水持盃長日對青山芙蓉亭館秋風早楊柳池塘夜
月閒吟取新詩三百首遺音猶許繼重刪

十三日過金相寺脩省先塋和舍弟子彥教授
韻

金相西偏古墓頭弟兄來此拜松楸百年上塚青山
在萬里還家白髮稠深林月黑猿猱夜絕壁風高虎
豹秋宗祧有靈文澤遠後來努力繼垂休

十六日同舍弟子彥過彭坑先塋祭掃承雲從
羅隱君有詩依韻奉答

西風颯々起松楸十里荒山入舊遊野樹青黃雲氣

合石潭金碧夜光浮松間賭酒看棋局江上垂綸憶
釣舟最是夜涼清不寐坐看天淨火星流

過天塘原訪曾朝用田舍答羅雲從

耕雨新亭俯碧溪秋風禾黍屋東西林間鳥鵲烟霞
暝沙際牛羊草樹低授簡高人華翰濕行觴稚子翠
襟齊無端醉裡尋歸路流水桃花思欲迷

過楮源訪羅雲從同子彥弟各賦一首

楮源風景似桃源水遶田園山繞門高樹秋風松落
子碧苔春雨竹生孫清烟影覆垂蘿屋白酒香浮老
瓦盆落日荒原歸路晚欲尋幽興已忘言

中秋夜宴南溪蕭氏追憶舊遊有懷自成庚兄
時以事留滁陽未回

毛家塘上看明月猶記風光十載前長笛夜從山上
起明河曉向座間懸重來踪跡傷槎梗老去情懷怕
酒船却憶故人京國去憑高何處望嬋娟

秋日過汶溪義塾承蕭國錄有詩謹用奉荅

汶溪新製小茅堂也種山楸間水楊舍近雞豚還共
食春來魚鳥自相忘松陰客去書連屋花底鶯啼酒
滿床却憶東華聯轡出午門霜月漏聲長

隱雲詩

高人家住青山下愛入浮雲事隱居窈窕深迷三徑
曲玲瓏低護八窓虛似聞雞犬鳴天上遙見蓬壺入
海隅相望博溪同萬里何由踪跡問樵漁

雲東杏塢

何年種杏今成塢知是雲深舊隱家朝雨洗空千樹
雪暖風吹起萬枝霞壁間瓢貯通神藥窓下爐存伏
火砂北望清江三百里從君安得問靈槎

題龍洲羅氏合葬新阡

江繞漚潭去不回新阡還遶舊池金青上汀草隨愁
長寂上園花帶淚開雙匣久傳龍化去孤城重想鶴

飛來行人下馬看題碣落日荒涼照紫苔

過雙溪訪敬則不遇

溪亭曾共賞芙蓉十載重尋恨不逢落日斷橋餘野
水高原古路帶寒松麥光舊畫遊絲細柿葉新題墜
露濃喜有諸郎能好客囊萸尊酒更從容

明日喜雲從隱君自漁坑歸再賦

南岸諸峰如累瓜高人幽隱在烟霞百年古桂寒無
葉十月叢梅早有花斷壠牛羊分客路深池鳧鴨共
鄰家極知好客情逾厚貰酒携琴到日斜
入兩水口將過東坑

群峰雜遝共趨奔兩水縈迴相吐吞樹根盡迸石上
走山脚直下溪中蹲青烟僧舍高低屋黃葉人家遠
近村聞有桃花龍上路仙遊何必問秦源

入東坑

東坑石路入雲堆東岸人家倚岸隈半沼紫萍風乍
過一林黃葉雨初來澗寒野鳥還爭聚山暖岩花只
自開却望松楸生暮色重來悵望使心哀

寄荅王希顏

聞君抱藝困沉綿猶有高情似昔年綉句錦箋分野
客朱顏白髮照神仙松陰漫想傳冰碗花底何因泛

酒船早晚看雲出江口定隨藥裹到林泉

同蕭九川游菰塘龍城院賦贈象初上人

天入龍城湧地靈橫岡複嶺似圍屏村原雨過春泥紫山嶠含烟野燒青火裡蓮花敷寶座雲中楊柳注青瓶何時煮茗長松下聽講楞伽一卷經

題故人郭隱君篠坑故居因吊新墳有作

風塵瀕洞失斯人舊宅淒涼間水濱岩畔好山鶯擇木池南古柳燕爭春書傳未信中郎絕金散寧辭郭解貧寂上孤墳三尺草蕭蕭落日一沾巾

題石塘舊隱

高霄岩近石塘清亂定歸來喜稱情架石起樓成別業引泉注圃看新耕魚諳舊沼吹花過鹿愛深林逸樹行釀取松花千斛酒抱琴來此就同傾

和靈隱蒲菴長寄一律

華髮飄蕭六十年間居魚鳥亦仙仙開園未種千頭橘入洞初尋九眼泉幸可自酬酤酒價喜無人送買山錢何時乘月過靈隱同泛秋風鑑曲船

寄天寧雪印文上人

去年抱病過清江風雨蕭蕭七卧短艫帆影近移金鳳渚鐘聲遙應石龍瀧極知禪悟超諸境况是詩名重

一邦投老荒山未能往題詩憑寄白雲窓

雨夕東鵬舉

入春已過五十日晴景都無三四朝雲去雲來山杏
杏花開花落雨蕭蕭青絲送酒銀瓶暗彩筆題詩絳
蠟消東嶺幾時明月上曲闌芳樹聽吹簫

南溪館中和荅湯生元哲

江上携書猶昨日山中對酒又今年春來花鳥傷新
詠老去魚虫憶舊箋珠浦舟回明月夜金華劍倚白
雲天登臨不盡懷賢意指點飛鴻若個邊

晚下北岩過臨溪和蕭子所韻

清秋遊徧武山岩古寺橋西晚駐驂風引泉聲絃奏
五雲摩石角劍攢三自慚報玖空投李誰與盈襜更
采藍解帶醉眠林下石看人香火事瞿曇

過風火磯

風火磯頭波浪深馬當峽裡雨雲陰轉輸估客無南
北爭戰英雄自古今水漱蘆根侵岸脚石懸藤蔓到
潭心一時登覽餘風景靜倚蓬窗酒滿斟

過湖口縣

佛子磯頭遡客舫南湖高柳記沙汀水分彭蠡溶
綠山送匡廬冉上青雨過人家收鴨早日高網戶晒

魚腥故園此去猶千里安得乘風破杳冥

入湖感賦

山擁匡廬連五老天開巨浪限三苗地卑捻滙南州
水江遠難通近海潮戍卒尚吹蘆管曲行人初駐木
蘭橈向來血戰鯨鯢死千載朝宗屬 聖朝

湖上望匡廬追憶古人

挂席南湖十日程凌磯遡港極迴縈雲澄雨霽山初
醒岸闊風高浪自驚中允才名高近代番君臣節重
西京後來踈放俱陳迹不盡懷賢萬古情

投老歸田承陳敬則有詩見寄依韻奉答

莫怪經年相見稀閒心已逐野雲歸花間舊釀茶蘼
酒松下新栽薜荔衣山樹曉晴黃鳥並野塘春漲白
魚肥怜君坐病吟成癖天上何人識少微

題丘生種杏圖

西山蒼翠接匡廬誰畫丘君種杏圖日上高林花散
錦雨微深樹子垂珠山中自註遊仙錄林下長懸賣
藥壺老我何由一相見定騎青鹿問屠蘇

東劉方東

秋落雲亭水滿河故人池館許重過入門未覺青山
少對酒偏傷白髮多桂樹藏烟依古屋芙蓉含雨媚

新波白沙翠竹當時路明月隨人柰醉何

題泰和縣丞陳舉善所畫山水圖

少日東南事壯遊憑高吊古思悠々山中樓觀神仙
府江上雲霞帝子洲別塢松風琴入奏平湖花雨棹
聞謳只今投迹山房裡坐看新圖嘆白頭

一日過延壽寺訪玉壺上人賦柬同遊諸君子
看山隨客過楓橋下馬尋僧問柳條古殿碧苔春寂
寂紺園紅樹晚蕭々能詩茅屋應堪賦入社東林倘
見招却憶舊遊曾載酒尖心涼月坐吹簫

題胡耽橋

雲壓波沉鷁獨搖胡耽河上看新橋鵲毛隱約填星
漢鬣骨參差駕海潮二水合流水漸釋四山環立霧
全消十年京國懷疎放猶得行歌逐野樵

由紫岡坪過西岡劉氏山居憶往年同廬陵王
如川避地于此今十六年矣撫念存沒愴然興
懷

入山西度紫岡坪荒草含烟一望平雲露鵲巢村曠
近雲消魚窖野泉清故人舊別嗟存沒野老相逢識
姓名歲晏重來還白髮十年江海最關情

臘月廿三夜會西岡劉氏書房以傳奉邀竹扉

子所俱以事不果至因寫此述懷錄示以傳併
柬同賦者

霜飛平野月光微銀燭高金爛有輝盤送璫芝水線
滑杯行琥珀酒波肥早春已覺隨年至佳客偏傷與
願遠明日醉醒岡上路梅花須插滿頭歸

冬日登高遠樓為朱子瞻賦

間來着屐尋山水下馬還登高遠樓西澗水聲千丈
落南峰雲氣一尖浮斜陽町疇牛羊晚細雨陂塘鳧
鴈秋不是梅花催晏歲為君十日更淹留

送菊山黃道士朝覲後還九宮山

九宮仙人家翠微口吟洞章披羽衣待詔暫趨金馬
去尋真還駕玉鸞歸磴邊鮮菊秋露晚石底黃精春
雨肥祗恐雲栖渾不定天書又報下岩扉

過石頭岡下訪表兄蕭則善因賦一首

石頭岡下水潺湲隨母歸寧憶往還少日嬉遊今白
髮暮年悵望舊青山碧桃溪洞春雲裡脩竹園林夕
照間老我驅馳慚宅相多君深隱靜柴關

劉槎翁先生詩選卷之八終

嗣孫養性

道卿編次

劉槎翁先生詩選卷之九

七言排律

雨中道出鄉城將訪新安希顏王徵君不果有
作奉寄

五老山人白錦袍十年不出卧江臯春前早喜傳佳
句座上何因倒濁醪落魄由来知傳癖憑凌猶自想
詩豪杜陵抱病寧耽飲庾信還鄉且賦騷欲叩柴門
看野竹直愁寒雨乱庭蒿江通值夏波瀾闊山入薜
城紫翠高作客共憐雙鬢改懷人謾使寸心勞憑誰
寄語溪南樹準擬秋來繫小舸

長律十四韻送彭公權教授還永新

六千里外燕山客，白髮還鄉遂苦心。楊柳堆邊風一
葉，胡桃園裏雪千林。路經齊楚水猶壯，春到湖山暖
漸深。龍廟讀碑山窈窕，神岡分棹水沉沉。行尋梅洞
躋危石，咲指荷峰數近岑。弟妹入門驚老色，鄰兒候
馬識鄉音。新城桃李從頭看，故塚松楸逐處尋。竹底
掃雪安坐榻，花間載酒濯塵纓。糝鹽芋粽朝供飮，下
鼓萸羹早溉鬻。定解狐裘披白苧，更從雞黍飯黃金。
山遊曳杖應行樂，鄉飲當筵亦醉吟。此日衣冠還舊
俗，他年圖畫記斯今。茶園江館曾題句，松室山房昔

挂琴我亦十年離，舊隱煩君一一訪。登臨

贈汝南常布

汝南常布不易得，閉戶讀書無所為。掉頭不入將軍
府，開口解賦騷人詞。常思隱去有鹿伴，只愛步行無
馬騎。石室烟青時煉藥，山源水黑晝臨池。才華自信
古難匹，姓字不傳人少知。聞說崆峒山石上，時時乘
月自題詩。

書懷廿四韻奉東范實夫李子翀

某也飄零客江縣，足重胼髮垂面妻。琴隔越巽憂
戚朋，好過從足談讌。清真豫章范文學，爽邁筠陽李

司掾跬步翻愁兩地分一日何嫌十迴見刻燭題詩
促漏籌操弦度曲迴歌扇暖釀浮膏露溢罌寒藤洒
墨雲栖硯有時斫地思拔劍無復臨邊事傳箭征途
瀟洒送日月短褐淒涼雜霜霰微辭往々相慰藉弱
質區々獨貧賤季子還從鬼谷遊賈生未遇吳公薦
坐怜人事祇落葉行恐年華劇飛電家寄龍洲紫菊
鮮田荒珠浦青根遍異郡仍淹伯氏書高堂未視家
君饑往歲深怜飢饉餘此日何堪災疫荐歷亂床帷
夜雨螢蕭條梁屋秋風燕何人鼎俎飲祿食於我簞
瓢寡吞燕天地悠々白日愁山川歷々浮雲變由來

意氣重許與胡乃睽離及攀餞此行聽花縣琴范今
歸掃松岡真已嗟垂橐少傾倒直恐窮年失才彥雲
海驚心未得隨泥塗回首何由援干將有神思一試
璞玉無瑕羞自銜百年出處在遠期作歌行寫深眷

題劉氏遂初堂

君家舊宅好林泉亂定歸來值萬錢燕子華堂猶故
物桃花流水自當年共看簾捲清溪雨尚想書藏古
壁烟氊復已聞群盜愧笏存今見遠孫賢初心早向
艱危遂盛事應當久遠傳忽憶善和三易主柳家門
地最堪吟

劉槎翁先生詩選卷之十

五言絕句

古意

上馬拂春衣金鞭獨自揮蛾眉鏡中好但恨不能飛

其二

傳語通州估南船甚日還黃金知易得留取鑄紅顏

其三

夫婿泛淮船閨門一步前如何中夜夢却在大江邊

題胡思齊水禽墨戲

春水蕩菰蒲雙匕出翠鳧那能遠相逐不辭自相呼

其二

誰與傳符勅遊時水自開江湖風浪惡不見綉衣來

其三

黃蘆風裊裊相逐下晴磯却憶秋江上嚙書來去飛

其四

鼓吹傳朱鷺鏡歌事已非秋風荷葉底憔悴白雲衣

昭君詞

承詔辭金闕嚙悲入塞城可憐沙上月渾似漢宮明

上北岩

守風四山合月上西崖早古道斷歸樵啼螿在秋草

石磴

岩洞何人到仙凡此路分不緣苔蘚滑石磴自流雲

憇白雲菴

解帶白雲中來尋仙子宮始知山頂上容易得天風

松下垂釣圖

城市何年別烟霞盡日間松潭明月上把釣不知還

題墨竹圖

寒色似瀟湘娟娟翠篠長林間踈雨過石上紫苔香

小松

手拂青松樹新抽數寸條殷勤將雨露頭上是雲霄

白頭並立圖

同宿復同飛茸上淺碧衣白頭秋樹裏相倚看斜暉

題春江垂釣圖

坐把釣魚竿虛潭翠如瀉輕舟浮不動只在松陰下

獨坐

饑雀聚簷楹庭虛凍色明松下無人跡時聞墜雪聲

殘雪

山中殘雪在背日半稀微却憶長松下間雲不解飛

題延真陳煉師東庭四時詞

杖倚琅玕綠杯澄琥珀紅道人春睡熟門掩落花風

其二

香篆添新火丹爐養舊灰碧窓如水淨坐看綠陰回

其三

風吹山栗葉夜落西園裏手把南華經間來看秋水

其四

道人神氣清碧眼映綠髮晨起折寒梅和花嚙飛雪

子中兄子彥弟同遊石龍潭余後至失路山左

水落仍穿石峰迴屢隔溪青山千萬疊容易使人迷

其二

相去忽已遠不知山北南祇應隨水入盡處是龍潭

子彥弟相尋至山左復同至潭上觀岩溜

青壁象寒萼泉流一罅開誰知潭水上更自有源來

其二

崖陰一泓水中有神物宅自送石龍歸至今迎不得

潭本猪猡龍化為石人求雨者下潭中携石以歸則雨至矣鄉人送龍于此潭故云

遯迹山中日有幽事因即澗沐雲卧草栖木食

為四題與子中兄子彥弟同賦以自釋

澗沐愛深冷晨光淨如練日出髮未晞白雲滿吾面

其二

閒依青石磴雲卧此林下迴風忽吹散攬之不盈把

其三

秋草深數尺我栖在其間英七鴻鵠志乃與雉兔班

其四

山木各已實我饑日方長何曾勞種植媿尔自甘香

題歐陽仲元墨梅

記得南園路垂七一樹春不知風雪裏還有弄珠人

題竹石

為愛臨江竹蕭七綠一叢幾時盤石上把釣聽秋風

筍竹圖

聞說南園路新來筍正肥棘枝芟不去欲往惜鈎衣

雨竹圖

娟 秋風思微波起洞庭
西林喬木底雨卧一枝青
題幽篁古木蘭

月照蒼龍角風生翡翠衣
何年滄海上乘得斷槎歸
其二

深林無人行幽蘭方旋
采之欲遺誰君子在萬里
題蘭

奕 朱英潤娟 翠葉長虛堂
秋夜永解佩忽聞香
其二

援琴不成彈紉佩可以服
江上思美人盈 秋水綠

古意四首

閒倚白玉床低頭看深井
銅瓶且莫下乱我晨粧影
其二

團 手中扇日 長相見誰遣
秋風來芙蓉滿凉殿
其三

駐馬挽金鞭為君彈四弦
洛陽官道直莫過酒樓前
其四

送客荷花浦放船楊柳津
唱歌不歸去愁殺渡頭人
同舒伯源自雙溪口渡橋
登高山望幽谷諸峰

賦八絕

濯足雙溪口尋幽水竹村淙匕斗門濕寒漱白雲根

其二

坐石弄芳草渡溪行翠微西峰月未上獨自看雲歸

其三

鳥啼山澗幽日入松林暝路轉薜蘿深相呼不相應

其四

采得蘼蕪草無花認不真持之不忍棄留問路傍人

其五

團薄者誰子捕魚溪水中林深不見日寒殺石楠風

其六

南登龍山亭北望幽谷峰雲氣不成雨濛匕散高松

其七

絕頂大古石秋風生紫苔尋雲山下客終歲不曾來

其八

引手捫石壁俯身落林端祗言上山易不道下山難

題墨蘭

露下衡臯晚月明湘水流美人青羽佩零亂結春愁

其二

冷匕葉上風泣匕花間露碧草多於蘭美人歎遲暮

其三

杜若滿中洲滄江日夜流水深愁不渡思殺木蘭舟
其四

何日春風來幽蘭綠如剪細雨山氣涼秋香入苔蘚
題鴛鴦

金殿鎖閒情羅襦繡不成何年芳草綠相倚睡春晴
古意

仙女不照鏡愁來看深井底那得風搖波亂人影
入三德院

古殿生春草荒園日暮時鐘樓殘壁上半是昔人詩
古意

佳人擲青梅戲打黃鶯雛鶯雛忽驚走花落滿平湖
其二

閒隨玉蝴蝶步出花前去不知春草生忘却南園路
其三

朝看箔上蚕暮絡車上絲結束須成疋纏綿自有時
題瘦馬圖

玉塞三千里天閑十二重惟應霜骨出識得是飛龍
題墨竹

娟上青竹枝兀上蒼石頂翠袖倚深林秋高露華冷
其二

矯上蒼龍影幡上翠鳳毛月明秋浦上寒色動虛濤
其三

零亂黃金錯參差碧玉筒何時明月下臨水聽秋風
其四

為愛江南竹春深葉漸交誰家三迳裏殘雨出橫梢
其五

秋浦綠層波月明愁奈何移船湘女廟曾聽竹枝歌
題乘槎圖

漢使樓船出三山隔海波靈槎不識路還解到天河
問月圖

月色如金波攬之欲盈手如何不解飲空遣星名酒
題莫慶善翎毛戲墨

青鳥來何晚垂楊春已深琴中無限意惆悵白頭吟
其二

鸚鵡相依好日暄沙草叢晴川朝浴罷刷羽愛微風
其三

山鵲羽差上飛來踏柳枝春鳴應有喜憑報玉人知
其四

雨上鶴鷄小秋田喙粟肥沙寒栖不定驚起向南飛
題莫慶善墨禽

野竹並蘭花紅深石角斜一雙山喜鵲飛起向誰家
其二

日出露未晞垂楊青嫋七啼殺白頭翁春歸薊門曉
題竹石圖

海上琅玕石山中翡翠毛意含秋雨潤思拂暮雲高
題四時花木

杏花
春日炫高霞宮園萬樹花暮歸承宴罷簪得一枝斜

榴花
碧殿引薰風幽七萬綠叢內家清暑宴爭看寶珠紅

芙蓉
嬌艷不自持西風夜中起寒香逐墜露下滴秋江水

山茶
綠剪龍鱗片紅翻鶴頂砂誰家小庭院雪裏見宮花

墨蒲萄
翠羽幡七薄驪珠裊七垂一枝風露冷初出漢宮時

題半軒先生梅竹二圖
嫩蕊紅椒暖新梢碧玉寒隴頭無驛使誰與寄來看

其二
風葉晴初亂烟梢濕未乾復愁江上雨壓損釣魚竿

風葉晴初亂烟梢濕未乾復愁江上雨壓損釣魚竿

雨過

獨對一燈坐看書猶未眠不知踈雨過星月滿涼天

題墨竹二首贈陳子仁

問訊山中竹新來長幾叢一枝初入手如對滿林風

其二

為愛溪南竹春深長鳳毛終然秉高節容易出蓬蒿

扇景

垂釣磻溪上清陰九夏寒他年兆熊卜來此覓魚竿

武山十四境有序

昔家紹興中鄉先生劉敏求嘗賦西昌八境

各為七言長句辭極雄麗若武山其一也序
謂泰和古白下邑山青水秀皆神仙窟宅信
矣惜後來無有繼之者予曩自庚子歲始與
南溪蕭紳鍾端及端之弟祥往遊其間嘗為
文記之而意有未極也乃洪武十一年余罷
官歸自北平明年仍客蕭氏且忻然有重遊
之意而往時同遊者獨端之弟祥與紳在而
紳方往省其叔父于滁陽而端之歿已久矣
時王徵君子與蕭國錄子所俱客禾溪二君
皆好古而能賦又嘗遊於是山者乃七月十

三日戒神之弟輩前期邀二君以次日來會
 至于暈之諸兄撻殊朶與祥各撰杖屨具酒
 肴與俱而戒劉繼與兒子桶載筆墨以從自
 己酉至辛亥三日相與極遊覽賦咏之樂然
 後歸徵君謂是山遊者衆矣今日有作宜必
 追古乃已於是按圖考誌凡山中名跡之絕
 者靡不探深發竒窮心目足力之所及自武
 姥岡至石鼓得勝境一十有四仍各疏其名
 狀與顯晦之故于下方槩錄其大而畧其細
 焉境賦一詩為五言絕句敦尚簡實從徵君

志也同遊者如干人得詩如干首合而成卷
 將以授若谷塗煉師俾藏山中後或有知我
 者焉

武姥岡在佑仙觀後武山最高處相傳為武姥
飛昇之所

一自飛仙去迢迢白雲上歲七春風來滿山青草長

陶皮石室即今北岩右陶皮二仙脩煉之所天
將雨則岩竇有泉出焉禱者嘗以為
候舊名觀音岩今正之

北岩極谿研三面環絕壁聞有山雨來石泉先暗滴

雲峰寺在虎阜峯後兩山之間舊名南岩雲峯
寺宋端平間建寺後有泉出石間觀入

窳池僧為亭其上或傳晚了禪師嘗駐
錫而去

路盤重巘上寺值兩崖間泉水依然在真僧去不還

佑仙觀在武姥山東南武姥岡下龍王洞之上觀祀三仙外揭西華當元初初建時有

白鶴翔集而天燈常夜見云

南指雞冠石西華此路分至今珠樹上長有鶴成群

龍王洞在佑仙觀下有巨石覆之其洞雖不深廣而流泉冬夏不竭頗有靈異

一斛岩腰水靈蹤向此蟠祗言流出洞長歲不曾乾

虎鼻峰出武山西南一向方正如屏獨虎鼻峯屹出左方雄秀最一山云

平巘轟崇壙中天紫翠重曾因望江水上到最高峰

禮斗石在北岩之左最高處有片石突出岩半繞容拜跪下臨不測道士嘗禮斗于此

道士禮斗處獨緣岩際雲空中歌碧落不遣世人聞

望陽石在武山正東有巨石屹立正對出日故名下有石泉嘗不竭云

巨石含光景東躡直海門仙人何日下晞髮候晨暎

真珠泉在南岩石下泉自石壁亂撒而下若真珠然

乱撒高岩下多因險勢奇更逢朝日映五色爛摩泥

衣籠石在武山東北古臨溪寺基上片石方廣如籠筐狀相傳名武婆衣籠石云

衣籠化為石何年閣半岩多因仙帔斃不是舞裙衫

南岩石在北真珠泉之上巨石磅礴中虛偃立道北北岩極小而圓勢若渾成按雲峯舊名南岩此當名南岩石

濩落歌空舊嵌岩掩半匏不愁山雨濕自有白雲交

西岩洞在武山正西謂之風門口上有梵雲庵今廢下有石虎石龜甚奇又有虎穴人

跡罕至

噦紫風門口坡陀虎穴西向來梵雲寺秋草鷓鴣啼

丹井

在武山頂上梵雲庵之左有泉出井中庵視以供厨志云有龜出則天雨今不見邑士楊準嘗有丹井記

絕頂仙人井碧泉春雨香神龜人不見每夜有丹光

石鼓

在雲峯寺佛殿後山上巨石輪囷高可丈餘有片石覆其上志云牧童以足搖之其聲如鼙或呼為飛來石今從其舊

片石上嵯峩春風覆薜蘿何人踏龍尾白日撼靈鼉

光風轉蕙泛崇蘭

幽意本不群芳根偶然並不知石林遠但覺生香近

獨憐幽草澗邊生

繞澗綠猗猗秋風吹紫蕤如何生杜若渾欲雜江籬

峭壁蒼苔翠色新

岩石下陰陰猗蘭綠如剪花發人不知秋香入苔蘚

風含翠篠娟娟淨

閒聞竹上雨疑是花間露何以遺所思秋風颯遲暮

二蕙

婉孌兩相依芳心自不遠月明蒼玉珮風卷綠蘿衣

題環州草亭圖

孤嶼茅亭小迴汀野樹分獨尋臨水坂還望隔江雲

題兩竹圖

怪石疑雲氣橫枝
浥露香故人渺何許
秋意滿瀟湘
余為善舉寫墨竹
因題二絕其上

深林昨夜雨新筍
幾時生似覺清風動
微聞墜露聲

其二

潤愛娟_上色清怜_上冪_上
陰何因掃苔石來
此坐鳴琴
為黃巽成題墨竹

過雨琅玕潤凌風
翡翠寒何年滄海上
拾得斷漁竿

其二

磊落藍田玉歲_上蕤_上翠鳳毛
飛鳴朝日近騰燭
夜虹高

題山亭避暑圖

掃石坐莓苔林陰
晝不開松梢風似水
疑有鶴飛來

題蕭與靖所藏古潭墨竹

冉冉橫枝竹低垂
向楚臯秋風何處發
吹起鳳凰毛

其二

壓地欹枝重淋漓
亂葉低深林春雨過
似聽竹雞啼

其三

峭直餘高節蒼寒
只舊叢暮年霜雪意
未可薄篔簹

其四

嫩葉雲初展新梢
粉未乾他年滄海去
留作釣鰲竿

題李唐牧牛圖

袞上長風起飄上 一笛吹回頭看廖廓失手墮羈縻

其二

風雨滿輕箠騎牛逐處過春來晴景少烟草四山多

其三

日夕山氣昏獨歸愁路遠猶戀草青上遲回下長阪

其四

天寒放牛遲野曠風獵上獨來長林下吹火燒山葉

題熊自得山水四景赤壁武昌洞庭東林

赤壁重遊賦清風萬古傳遙怜山月古曾照火樓船

其二

黃鶴磯頭望青山落日分至今漢陽樹飛度隔江雲

其三

幾日樓船發洞庭湖水東如何當別日長是鯉魚風

其四

萬木東林下蕭條晏歲情何言紅綠動啼殺早春鶯

題陳舉善山水圖小景四首為蔣志明賦

窈上松林暮蕭上桂樹秋清江三百里一髮見歸舟

其二

雲連回鴈嶂潮落釣魚磯共說江南好青山待客歸

其三

日落三江水天晴五老峰潮來初過雨坐久欲聞鐘

其四

山暝啼猿外江平落鴈中幾時將小艇來問釣魚翁

月夜舟行

遠林烟幕七宿草露消七沙渚鷺初起漁舟人未眠

題馬圖

錦轡赤茸鞦青驄間紫騮傾城驚掣電千里一回頭

其二

萬馬如雲散中原息戰奔惟餘一疋練光采照天門

題清溪圖

青山千萬疊流水三四里窅七洞門寒天寒落松子

其二

翠嶺冠丹霞清溪是我家好尋黃道士更種白桃花

題山水圖

野渡歸人急山原去騎遙白雲秋窅七紅樹雨蕭七

其二

瀑溜穿雲白松蘿蓋石青一僧歸野寺千樹擁岩扃

題銜道樵扇面山水

三峽連明月九華多白雲傷心江上望春樹綠紛七

題趙子昂竹石圖

古石神鰲骨幽篁錦鳳毛才名隨世遠意氣與秋高
題李時小景

山色繞層臺山花滿樹開何人携酒去江上看潮來
其二

水面青蒲短船頭白鷺閒江南萬里意好在綠楊灣
九日絕句五首依韻奉荅許存札教授

臨水結幽想看山懷遠情遙怜南向鴈一一背邊城
其二

天末望歸雲遲徊憇宇楊葉自多風愁來更秋雨

其三

我里在東臯十年事幽隱不知山水深但覺魚鴈近

其四

霜早難為夜風高易覺冬誰家少年子弓馬錦衣重

其五

佳菊那能采茱萸興不忘商船向南去憑與問潯陽

感興

羸馬不長臆寒來斂枯草幸不筋力勞勿畏風霜早

題北山上人雜畫二軸

流水花間過長松石上生烟霞開古色風雨送秋聲

其二

脩竹江南好平居有所思清冷霜後葉繁愛雨中枝
六言絕句

題山水畫

三里五里近郭千樹萬樹長松落日無人放棹深山
何處聞鐘

題墨竹四首

風前歷亂千葉石上參差兩竿且可鏘鳴玉珮莫教
吹折琅玕

叢深似暗不暗葉重欲垂未垂向晚鷓鴣啼處滿山

風雨來時

漁父一竿翠玉仙人九節青筇自愛林間草淨誰教
石上苔封

何年裁籜冠子此日見錦棚兒自是金鳴玉潤不愁
雨打風吹

題秋江待渡

雲去雲來山色潮生潮落江沙斜日繫船渡口短籬
沽酒人家

余以官滿赴

京十一月十四日出北平順承

門賦六言絕句四首

肅政堂前別酒順承門外初程故鄉隱七萬里華髮
蕭七數莖

抖擻客囊數卷蕭條公館三間暫爾萍蓬蹤跡依然
霜雪容顏

作書遣吏告滿送馬還官戒途已買蹇驢代步更倩
小車載書

居官難是去日飲酒常思醒時造物何勞深計榮華
自不曾知